



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Mosis, populi-salutem meditantis. Ode Tricolos Tetrastrophos.
XI.

urn:nbn:de:hbz:466:1-44973

Ipsè & infonsis vigil amnis vnda
 Contrahit, parcens properare, & acres
 Continent morsus liquido adnatantes
 Flumine pisces.

Denique iniustæ populator aulæ
 Qui sit & vindex generi, nocentis
 Regis ingrato gremio fouetur,
 Crescit & ignis.

TYRANNVS MISERICORDIAE
 CONCED.

Casibus in duris rerum, spes certa salutis
 Expectare, bonus quid velit ipse Deus.

PROVIDENTIAE VICTRICI S.

In tabulam Moïsis, populi salutem meditantis.

Ode Tricolos Tetraastrophos. XI.

O Lim cupitæ iam nimium diu
 Et mentè Moïses, robore & integro
 Non vana sperandæ salutis
 Signa suo generi adferebat:
 Quamquam edueatus molliter aulico
 Fastu valeret deliciis frui,
 Et verba concepti fauoris
 Vendere, compositumque fumum:
 Non vltus amplis doctior artibus,
 Certisque belli consiliis prior,
 Aequanda comparare posset
 Nomina principibus supremis.
 Sed quidquid alti viribus ingeni
 Fidove posset robore corporis,
 Totum paterno dedicabat
 Ille Deo & populo suorum.
 Horum labores commiserans graueis,
 Promptus leuare ac non timidus mori,
 Proponit audax & doceri,
 Et facere auxiliij periculum.
 Vires probare, & consilium efficax
 Testis videret (ni foret improbus)
 Qui Aegyptij vidit sepulchro
 Membra dari nimium superbi,

Sed prona fraudi mens hominum suæ,
 Et sæpe certis inuida commodis,
 Exempla monstrata salutis
 Prodit & auxiliij ministrum.

Hunc regis iras & generis dolos
 Grato cauentem pignore suscipit,
 Seruatque Madianes ad illa
 Tempora, quæ Deus annotarat.

OPTIO INCOMPARABILIS.

Publica cura animos magnos, & pectora tentat:
 Certa que discrimen corda subire graue.

SAPIENTIAE ILLUMINATRICI 6.

In tabulam Mosis, ubi incendium mirati.

Ode Tricolos Tetraastrophos. XII.

Flammas innocuas non solitum genus
 Incensisque rubum frondibus integram,
 Audax noscere Pastor
 Vel tentare (nefas) caue.

Quamuis tu Phariis cultior artibus,
 Cælo dinumeres astra nitentia;
 Et res noueris viuis
 Quas tellus fouet ac mare;

Humanam fugiunt hæc sapientiam,
 Et nostro positos ingenio modos,
 Queis attingere mundi
 Vix conclusa licet polis.

Quod si tantus amor discere, quam nouam
 Mirator speciem conspicias, raras
 Curas exue terræ,
 Et fastus animi graues.

Fœdis ne temeres, ah, loca fordibus;
 Quæ cernis sacra sunt, plenaque numinis:
 Hæc mente, & pede puro,
 Simplex discipulus petas.

Hic iam veridica voce docere,
 Quam magnis valeat viribus effeax
 Ignis, vertere mundi
 Formas, in speciem nouam.

B 4

Namque